



Suí iomlánach

B9-0215/2021

12.4.2021

TAIRISCINT I gCOMHAIR RÚIN

de bhun Riail 143 de na Rialacha Nós Imeachta

maidir le córas láraithe a chruthú, a bheidh idir-inoibritheach ag na Ballstáit, lena n-áirítear sonraí céannachta agus bitmhéadracha mionaoiseach neamhdhleathach neamhthionlactha, a bhaileofar nuair a shroichfidh siad an tAontas Eorpach

Jean-Paul Garraud, Mathilde Androuët, Jérôme Rivière, Julie Lechanteux, Hélène Laporte, France Jamet, Nicolas Bay, André Rougé, Gilles Lebreton, Annika Bruna, Virginie Joron, Dominique Bilde, Aurélia Beigneux, Jean-Lin Lacapelle, Philippe Olivier

Tairiscint i gcomhair rún ó Pharlaimint na hEorpa maidir le córas láraithe a chruthú, a bheidh idir-inoibritheach ag na Ballstáit, lena n-áirítear sonraí céannachta agus bithmhéadracha mionaoiseach neamhdhleathach neamhthionlactha, a bhaileofar nuair a shroichfidh siad an tAontas Eorpach

Tá Parlaimint na hEorpa,

- ag féachaint do Rialil 143 dá Rialacha Nós Imeachta,
 - A. de bhrí go bhfuil níos mó agus níos mó imirceach neamhdhleathach ag teacht isteach san Aontas Eorpach go neamhdhleathach;
 - B. de bhrí go bhfuil stádas ardchosanta mionaoiseach á éileamh ag níos mó agus níos mó díobh;
 - C. á mheabhrú go léirítear le staidéir¹ iomadúla nach mionaoisigh ar chor ar bith iad formhór na n-imirceach a mhaíonn gur mionaoisigh iad, ós rud é go bhfuil caimiléireacht i gceist leis an mbealach inimirce sin agus go ndéantar leis cosaint leanáí a atreorú;
 - D. de bhrí go bhfuil dul chun cinn neamh-inbhuanaithe na hinimirce seo, na coireanna agus na cionta a ghintear léi agus an foréigean a eascraíonn aisti deimhnithe ag Tionól Náisiúnta na Fraince²;
 - E. i bhfianaise an easpa sonraí náisiúnta nó Eorpacha maidir le mionaoisigh neamhthionlactha agus an choireacht a chruthaíonn siad;
 - F. de bhrí gurb é leas an linbh é a aithint go héasca mar leanbh;
 - G. á mheabhrú nach bhforáltear leis an gComhshocrú um Imirce agus um Thearmann ach do bhearta lena méadaítear ar an bhfeiniméan sin;
1. á mheas gur gá córas láraithe a chruthú, a bheidh idir-inoibritheach ag na Ballstáit, lena n-áireofar sonraí céannachta agus sonraí bithmhéadracha mionaoiseach neamhthionlactha, a bhaileofar a luaithe a shroichfidh siad an tAontas Eorpach;
 2. á threorú dá hUachtaráin an rún seo a chur ar aghaidh chuig an gComhairle agus chuig an gCoimisiún.

¹ Léiríodh le turgnamh a rinne oifig an ionchúisitheora phoiblí i bPáras in 2019 gur daoine fásta a bhí in 91.6 % de na mionaoisigh gan tionlacan, mar a thugtar orthu. Sa tSualainn, léirítear le staitisticí ó 2017, 2018 agus 2019 go bhfuil 81.57 % de na hiarrthóirí tearmainn mionaoiseacha, mar a thugtar orthu, 18 mbliana d'aois nó níos sine.

² https://www.assemblee-nationale.fr/dyn/15/rapports/cion_lois/l15b3974_rapport-information.pdf